

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XVII

urn:nbn:de:bsz:31-97032

CAPUT XVII.
DE REMORA & SCARO
MARINO.

Remoram naves remorari, & veteres credere, & modernis demonstratur exemplis. Navem Francisci Cardinalis Turonensis, cum aliquando è Gallia maritimo itinere pergeret, ferunt, narrante Petro Melara Bononiensi, in medio detentam cursu: causam multi inquisivere, nemo certam reddidit. Propter officium sunt immobilia quædam semper, ut poli: quædam ratione loci, veluti terræ pars, quæ est in centro. Nunquam enim movebitur naturaliter. Contrà, officio quædam semper mobilia, ut Cælum, quædam natura loci, ut flumina. Ita quibusdam movendi est facultas, ut magneti; contraria quibusdam, ut Remoræ. Quia vero ratio reddi nequit, cur calor adversetur frigus; ita ne in illis quidem, cur ea quæ principia in se habent effectiva motus, moveant; quæ quietis, faciant quiescere. *Keckermannus* humori frigidus à Remora fuso adscribere videtur, qui aquam circa gubernaculum congelat. *in Dissput. Physicis. Scarum* solum ex omnibus piscibus ruminare, author est *Aristoteles l. 2. Hist. cap. 17.* Inclusum nassis non fronte erumpere, sed aversum caudæ ictibus crebris laxare fores, *Ovidius* testatur. In Creta eos assant veru per os tranfixo, ibidemque eorum ventriculos delicatioribus cibis refertos piscatores liguriunt, jecinora simul, quæ prægrandia & sine ullo felle, excrementaque addito sale & aceto conterentes. *Bellonius.*